

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 27 NOVEMBER 2013, PUKUL 10.00 PAGI

Bil. 46

PERTANYAAN-PERTANYAAN BAGI JAWAB LISAN

1. PR-1313-L58185
Dato' Seri Tiong King Sing [Bintulu] minta **PERDANA MENTERI** menyatakan :-
 - (a) adakah pihak Kerajaan berhasrat untuk menaiktaraf pusat pentadbiran, pengkalan, peralatan dengan kediaman bagi Agensi Penguatkuasa Maritim Malaysia di Bintulu, Sarawak pada masa terdekat ini; dan
 - (b) sejauh manakah keberkesanan agensi ini menjalankan tugas operasi semenjak ditubuhkan beberapa tahun yang lalu dari segi tangkapan, pencegahan dan lain-lain.
2. PR-1313-L57596
Tuan Hee Loy Sian [Petaling Jaya Selatan] minta **MENTERI KOMUNIKASI DAN MULTIMEDIA** menyatakan :-
 - (a) alasan mengapa filem-filem tempatan tajaan FINAS kurang mendapat tempat di festival-festival filem antarabangsa; dan
 - (b) peruntukan yang disediakan bagi membuat kajian bagi skrip yang diluluskan tajaan FINAS.
3. PR-1313-L58071
Tuan Khoo Soo Seang [Tebrau] minta **MENTERI PERDAGANGAN ANTARABANGSA DAN INDUSTRI** menyatakan sama ada pihak Kerajaan bercadang untuk mewujudkan *one-stop-centre* untuk urusan pelaburan asing sebagai langkah positif ke arah negara yang mesra pelabur asing demi menggalakkan lagi pelaburan asing di negara kita.

4. PR-1313-L58212
Raja Dato' Kamarul Bahrin Shah [Kuala Terengganu] minta **MENTERI KESIHATAN** menyatakan apakah langkah-langkah Kerajaan untuk memastikan doktor-doktor dan pakar-pakar di hospital besar Kuala Terengganu mencukupi memandangkan sehingga kini masih tidak ada kemudahan-kemudahan alternatif dengan kemudahan-kemudahan yang diperlukan di Kuala Terengganu.
5. PR-1313-L57680
Dato Sri Dr. Muhammad Leo Michael Toyad Abdullah [Mukah] minta **MENTERI PENGANGKUTAN** menyatakan apakah langkah untuk memperluaskan usaha mengeluarkan lesen pemandu di luar bandar khasnya kawasan yang jauh dari pusat bandar.
6. PR-1313-L57722
Tuan Seah Leong Peng [Telok Intan] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah ada kerjasama pengecualian bayaran balik pinjaman belajar dengan agensi Kerajaan atau badan-badan yang memberi pinjaman kepada peminjam yang telah dikategorikan sebagai OKU akibat kemalangan yang menimpa diri mereka.
7. PR-1313-L59018
Datuk Zahidi bin Zainul Abidin [Padang Besar] minta **MENTERI PENDIDIKAN** menyatakan adakah Kementerian merancang untuk memperbanyakkan sekolah rendah agama dan sekolah menengah agama integrasi di seluruh negara bagi memenuhi kehendak dan keperluan rakyat yang mahukan sekolah Islamik. Kementerian mesti dengan kadar segera membantu sekolah-sekolah pondok secara progresif daripada segi infrastruktur dan gaji guru-guru sekolah pondok.
8. PR-1313-L58728
Tuan Lim Lip Eng [Segambut] minta **PERDANA MENTERI** menyatakan alasan-alasan secara teliti mengapa Kerajaan enggan mewujudkan institusi penyiasat bebas '*Ombudsman*' bagi membolehkan orang ramai melaporkan pelbagai masalah termasuk salah laku atau salah guna kuasa.
9. PR-1313-L57246
Datuk Dr. Haji Abd. Latiff bin Haji Ahmad [Mersing] minta **MENTERI KEWANGAN** menyatakan Hotel Seri Malaysia merupakan pilihan rakyat ketika melancong seluruh negara:-
 - (a) nyatakan persepsi kejayaan daripada sudut pendapatan kewangan, kadar penginapan, bilangan usahawan yang berjaya dalam bidang perhotelan; dan
 - (b) adakah Kerajaan berhasrat untuk menambah bilangan hotel di seluruh negara.

10. PR-1313-L57109
Tuan Ng Wei Aik [Tanjong] minta **MENTERI PENDIDIKAN** menyatakan sebab-sebab Universiti Xiamen digalakkan menubuhkan campus cawangan seberang laut yang pertama di Salak Tinggi dan bukannya Pulau Pinang yang merupakan bandar kembar Xiamen, China sejak tahun 1993.
11. PR-1313-L57342
Tuan William @ Nyallau anak Badak [Lubok Antu] minta **MENTERI PERUSAHAAN PERLADANGAN DAN KOMODITI** menyatakan apakah usaha-usaha yang telah dijalankan oleh pihak Kementerian bagi memenuhi kehendak dan permintaan pekebun kecil untuk mendapatkan program bantuan benih sawit terutamanya pekebun-pekebun kecil di tanah hak adat Bumiputera Sarawak.
12. PR-1313-L58615
Dato' Dr. Mujahid Yusof Rawa [Parit Buntar] minta **PERDANA MENTERI** menyatakan bagaimana Kerajaan meningkatkan pendapatan bolehguna di kalangan rakyat supaya ekonomi domestik terus kukuh.
13. PR-1313-L57863
Datuk Ahmad Jazlan bin Yaakub [Machang] minta **PERDANA MENTERI** menyatakan setakat manakah sambutan Syarikat Multinasional (MNC) ke atas projek *Greater KL* dan nyatakan peluang perniagaan kepada syarikat Bumiputera serta nyatakan bilangan dan bidang pekerjaan yang berjaya diwujudkan kepada rakyat Malaysia.
14. PR-1313-L57226
Dato' Mansor bin Othman [Nibong Tebal] minta **MENTERI PENDIDIKAN** menyatakan kriteria-kriteria pelantikan Naib-Naib Canselor, Timbalan-Timbalan Naib Canselor serta Dekan-Dekan di Institusi-Institusi Pengajian Tinggi (IPTA) di seluruh negara.
15. PR-1313-L58196
Datuk Madius Tangau [Tuaran] minta **MENTERI PERTANIAN DAN INDUSTRI ASAS TANI** menyatakan sejauh manakah peranan Majlis Pembangunan Pertanian Kawasan Parlimen berjaya mentransformasikan industri asas tani di negara kita.
16. PR-1313-L57173
Dato' Dr. Tan Kee Kwong [Wangsa Maju] minta **MENTERI WILAYAH PERSEKUTUAN** menyatakan mengapakah masih wujudnya banyak lokasi banjir kilat di Kuala Lumpur. Apakah langkah-langkah yang diambil untuk menyelesaikan masalah ini.
17. PR-1313-L57404
Datuk Juslie bin Ajirol [Libaran] minta **PERDANA MENTERI** menyatakan :-
 - (a) bagi menggalakkan penyertaan Bumiputera dalam inisiatif pembiayaan swasta, sejauh manakah Unit Peneraju Agenda Bumiputera (TERAJU) bekerjasama dengan Unit Kerjasama Awam-Swasta (UKAS) untuk menyalurkan Dana Mudahcara ; dan

- (b) berapakah jumlah TERAJU meluluskan Dana Mudahcara dan senaraikan projek yang mendapat manfaat secara terus daripada Dana Mudahcara tersebut.
18. PR-1313-L58669
Puan Teo Nie Ching [Kulai] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan pendekatan untuk mengatasi masalah kesuntukan diesel pada hujung bulan di banyak tempat, termasuk Kulai.
19. PR-1313-L57714
Tuan Rozman bin Isli [Labuan] minta **MENTERI WILAYAH PERSEKUTUAN** menyatakan apakah tindakan segera Kementerian untuk meningkatkan kuantiti kemudahan sukan di Labuan memandangkan Labuan akan menjadi tuan rumah kepada sukan BIMP-EAGA yang melibatkan tiga negara untuk negeri-negeri Kepulauan Borneo, Sulawesi dan Selatan Filipina pada hujung tahun 2014.
20. PR-1313-L58964
Tuan Nik Mohamad Abduh bin Nik Abdul Aziz [Pasir Mas] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah sebenarnya indikator krisis sosial yang melanda rakyat pada hari ini.
21. PR-1313-L58675
Datuk Bung Moktar bin Radin [Kinabatangan] minta **MENTERI KERJA RAYA** menyatakan tentang tindakan serta hasil siasatan Kementerian terhadap kejadian beberapa buah bangunan runtuh seperti bumbung runtuh di bangunan hospital, masjid dan lain-lain kejadian yang berlaku pada baru-baru ini.
22. PR-1313-L58807
Puan Hajah Fuziah binti Salleh [Kuantan] minta **MENTERI PENDIDIKAN** menyatakan :-
- (a) adakah Kerajaan bersedia meningkatkan jumlah jam pembelajaran dalam seminggu bagi mata pelajaran Bahasa Inggeris di peringkat sekolah rendah dan menengah bagi memantapkan penguasaan bahasa itu di kalangan pelajar sekolah; dan
- (b) apakah mekanisme untuk memastikan pelajar-pelajar sekolah rendah dan menengah menguasai Bahasa Inggeris dengan baik.
23. PR-1313-L57338
Tan Sri Datuk Seri Panglima Joseph Pairin Kitingan [Keningau] minta **MENTERI DALAM NEGERI** menyatakan apakah langkah-langkah Kerajaan khasnya Kementerian untuk memastikan anak-anak Bumiputera tempatan negeri Sabah tertarik dan digalakkan untuk menyertai Pasukan-Pasukan Keselamatan bagi menambah kekuatan tenaga keselamatan yang diperlukan di kawasan Keselamatan ESSCOM di Sabah.

24. PR-1313-L58679
Tuan Ignatius Dorell Leiking [Penampang] minta **MENTERI LUAR NEGERI** menyatakan senarai nama dan kedudukan semua rakyat Malaysia dari negeri Sabah yang memegang jawatan penting diplomatik terutamanya ketua misi di kedutaan-kedutaan Malaysia, suruhanjaya-suruhanjaya tinggi dan pejabat-pejabat konsulat di luar negara.
25. PR-1313-L58066
Dr. Mansor bin Abd Rahman [Sik] minta **MENTERI PERTANIAN DAN INDUSTRI ASAS TANI** menyatakan adakah FAMA bercadang untuk mengadakan pusat pengumpulan hasil tanaman penduduk kampung di setiap daerah di mana sekarang ini hasil pertanian terutamanya hasil pertanian bermusim seperti durian, rambutan dan cempedak yang tidak dapat dipasarkan oleh kerana lambakan yang melebihi permintaan tempatan.
26. PR-1313-L58356
Tuan Haji Khalid bin Abdul Samad [Shah Alam] minta **MENTERI KEWANGAN** menyatakan kadar hutang negara bermula daripada tahun 1999 hingga 2013 dan apakah usaha-usaha Kerajaan membayar hutang.
27. PR-1313-L57357
Tuan Haji Ahmad Nazlan bin Idris [Jerantut] minta **MENTERI PERTANIAN DAN INDUSTRI ASAS TANI** menyatakan adakah Kementerian bercadang untuk menambah kawasan tanaman padi baru terutamanya di kawasan yang terbiar bersaiz 50 hektar ke 100 hektar yang berada di kawasan luar bandar seperti di daerah Jerantut.
28. PR-1313-L57774
Tuan M. Kulasegaran [Ipoh Barat] minta **MENTERI PENDIDIKAN** menyatakan mengapa Pelan Pendidikan (*Blue Print*) tidak dialirkan pengajaran Bahasa Tamil dan Bahasa Cina di sekolah kebangsaan dengan khususnya untuk menggalakkan pelajar-pelajar terutamanya pelajar-pelajar Melayu untuk mempelajari bahasa-bahasa vernakular untuk matlamat perpaduan negara.
29. PR-1313-L57974
Dato' Haji Abdul Rahman bin Haji Mohamad [Lipis] minta **MENTERI KERJA RAYA** menyatakan pelan jangka panjang yang khusus bagi mengatasi masalah kesesakan lalu lintas di negara kita ini yang dijangkakan terus meningkat dari semasa ke semasa terutamanya di kawasan bandar-bandar besar dan kawasan tumpuan.
30. PR-1313-L58587
Tuan Mohamed Hanipa bin Maidin [Sepang] minta **PERDANA MENTERI** menyatakan :-
- (a) butiran terperinci senarai projek-projek Kerajaan yang digolongkan sebagai projek-projek terbengkalai di Kawasan Parlimen Sepang; dan
 - (b) apakah langkah-langkah yang diambil untuk menyelesaikan masalah projek-projek terbengkalai di Kawasan Parlimen Sepang.

31. PR-1313-L57213
Dato' Haji Mohd Zaim bin Abu Hasan [Parit] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah Kementerian bercadang untuk mewujudkan *Residential Tenancy Act* bagi mengawal kepincangan dalam urusan sewaan rumah di antara pemilik rumah dan penyewa, memandangkan semakin ramai orang terpaksa menyewa rumah khususnya di kawasan bandar kesan daripada kenaikan harga rumah yang keterlaluan.
32. PR-1313-L58919
Tuan Zairil Khir Johari [Bukit Bendera] minta **MENTERI PENDIDIKAN** menyatakan sehingga kini, berapa peratuskah kakitangan akademik Universiti APEX USM yang telah mencapai sasaran 100 *citation*, dan bagaimana pula dengan kesemua kakitangan akademik universiti dengan status Universiti Penyelidikan di negara ini.
33. PR-1313-L58327
Tuan Wong Sze Phin @ Jimmy [Kota Kinabalu] minta **MENTERI KEMAJUAN LUAR BANDAR DAN WILAYAH** menyatakan berapa buah kampung-kampung yang masih tidak mendapat bekalan elektrik dan air yang di rawat di seluruh Sabah setakat ini. Berapakah bajet yang diperuntukan untuk menangani masalah elektrik dan air di Sabah pada bajet bulan Oktober yang bakal dikemukakan oleh Perdana Menteri.
34. PR-1313-L58827
Puan Hajah Zuraida binti Kamaruddin [Ampang] minta **MENTERI KEMAJUAN LUAR BANDAR DAN WILAYAH** menyatakan berapakah jumlah rumah yang masih tidak mendapat bekalan air bersih dan elektrik 24 jam di kawasan luar bandar di seluruh negara dan apakah jangka masa yang diperlukan bagi menyambung air bersih dan belakan elektrik kepada semua.
35. PR-1313-L57894
Dato' Kamarul Baharin bin Abbas [Telok Kemang] minta **MENTERI KESIHATAN** menyatakan :-
- (a) sejauh mana jumlah doktor-doktor pakar di hospital-hospital Kerajaan mencukupi untuk menjalankan apa-apa juga pembedahan pada bila-bila masa; dan
 - (b) jumlah doktor pakar pembedahan di setiap hospital Kerajaan di seluruh negara berbanding jumlah pesakit.
36. PR-1313-L57323
Tuan William Leong Jee Keen [Selayang] minta **MENTERI PERDAGANGAN ANTARABANGSA DAN INDUSTRI** menyatakan status dan pendirian negara kita serta isu-isu teras dalam Rundingan Ke-18 TPPA di Kota Kinabalu Julai lalu.

37. PR-1313-L57193
Dr. Che Rosli bin Che Mat [Hulu Langat] minta **MENTERI KESIHATAN** menyatakan jenis-jenis kawalan biologi dan keberkesanannya yang telah digunakan untuk mengawal Jangkitan Demam Denggi yang berleluasa dalam negara ini.
38. PR-1313-L57120
Dr. Haji Izani bin Haji Husin [Pengkalan Chepa] minta **MENTERI KESIHATAN** menyatakan adakah Kerajaan sedar bahawa bajet Kementerian Kesihatan adalah kecil dan tidak seimbang dengan peningkatan penduduk dan infrastruktur, perkembangan teknologi perubatan, harga ubat yang meningkat serta kos kempen pencegahan yang tinggi dan adakah Kerajaan tidak berhasrat untuk menambah bajet tersebut demi mutu perkhidmatan yang lebih baik kepada rakyat.
39. PR-1313-L57495
Dr. Michael Jeyakumar Devaraj [Sungai Siput] minta **MENTERI DALAM NEGERI** menyatakan mengapa pihak polis Negari Sembilan memberi perlindungan kepada pemaju Mega Nine merobohkan rumah di Kg. Hakka, Mantin - Nilai, pada 30 September 2013 walaupun polis tahu para penduduk Kg. Hakka telah menfailkan Rayuan di Mahkamah dan menunggu tarikh membicarakan permohonan "stay" pada takat itu.
40. PR-1313-L58392
Dato' Dr. Nik Mazlan bin Nik Mohamad [Pasir Puteh] minta **MENTERI PERUSAHAAN PERLADANGAN DAN KOMODITI** menyatakan perkembangan terkini tentang biodiesel daripada minyak sawit. Berapa banyak hasil tahunan yang sudah dikeluarkan oleh kilang di Malaysia. Setakat mana penerimaan pasaran dunia dan lokal kepada biodiesel ini.
41. PR-1313-L57527
Dato' Seri Abdul Hadi bin Awang [Marang] minta **MENTERI DALAM NEGERI** menyatakan apakah usaha-usaha yang dilakukan oleh Kementerian untuk memastikan agensi-agensi penguatkuasaan di bawah Kementerian seperti Polis Diraja Malaysia (PDRM), Jabatan Imigresen dan lain-lain melaksanakan Pendidikan Islam kepada para anggota mereka yang Muslim.
42. PR-1313-L58532
Tuan Mohamed Azmin bin Ali [Gombak] minta **PERDANA MENTERI** menyatakan adakah Kerajaan bercadang untuk meminda Perlembagaan bagi membentuk Suruhanjaya Perkhidmatan SPRM dalam usaha untuk memartabatkan institusi SPRM.
43. PR-1313-L57425
Dato' Haji Mahfuz bin Omar [Pokok Sena] minta **MENTERI PENGANGKUTAN** menyatakan dan menamakan pihak yang menyediakan perjanjian konsesi dengan syarikat penyedia perkhidmatan AES dan berapa kos yang terlibat.

44. PR-1313-L59043
Dato' Shamsul Anuar bin Haji Nasarah [Lenggong] minta **MENTERI PENDIDIKAN** menyatakan kedudukan ranking universiti di negara ini dan bagaimana usaha Kementerian memastikan universiti kita bertaraf antarabangsa serta mampu bersaing dengan universiti terkemuka di dunia.
45. PR-1313-L57609
Tuan Haji Mohd Fasih bin Haji Mohd Fakeh [Sabak Bernam] minta **MENTERI BELIA DAN SUKAN** menyatakan langkah Kementerian bagi mempopularkan sukan squash ke peringkat antarabangsa sehingga dapat diterima sebagai salah satu acara Sukan Olimpik di masa hadapan.
46. PR-1313-L57854
Tuan Liew Chin Tong [Kluang] minta **MENTERI KEWANGAN** menyatakan sama ada Kerajaan bercadang untuk menaikkan royalti petroleum kepada Sabah, Sarawak, Terengganu, Kelantan dan negeri-negeri pengeluar minyak lain daripada 5 peratus kepada 20 peratus.
47. PR-1313-L58309
Tuan Idris bin Haji Ahmad [Bukit Gantang] minta **MENTERI PENGANGKUTAN** menyatakan bilakah tarikh landasan ETS daripada Ipoh ke Taiping boleh digunakan sepenuhnya. Adakah tarikh tersebut mengikut seperti yang dirancang.
48. PR-1313-L57796
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PELANCONGAN DAN KEBUDAYAAN** menyatakan apakah jangkaan atau *forecast* jumlah pelancong dan pendapatan daripada Tahun Melawat Malaysia 2014 dan perancangan strategik untuk menepati sasaran ini.
49. PR-1313-L58101
Datuk Sapawi bin Ahmad Wasali [Sipitang] minta **MENTERI KESIHATAN** menyatakan sejauh mana keberhasilan operasi dan penguatkuasaan terhadap penjualan ubat-ubatan perangsang seks dan jamu tidak mendapat kelulusan, yang banyak dijual di kaki-kaki lima, untuk melindungi kepentingan pengguna, dan jumlah tindakan undang-undang yang sudah diambil setakat ini.
50. PR-1313-L58400
Tuan Su Keong Siong [Ipoh Timor] minta **MENTERI PEMBANGUNAN WANITA, KELUARGA DAN MASYARAKAT** menyatakan bentuk bantuan-bantuan kebajikan yang di berikan kepada golongan Orang Kurang Upaya OKU dan adakah Kerajaan mempunyai rancangan untuk mempertimbangkan kenaikan bantuan wang bulanan kepada OKU.

51. PR-1313-L58096
Dato' Ir. Haji Nawawi bin Ahmad [Langkawi] minta **MENTERI PENDIDIKAN** menyatakan apakah ada cadangan menyerapkan guru-guru kontrak yang telah berkhidmat melebihi 3 tahun ke jawatan tetap demi kebaikan masa depan mereka.
52. PR-1313-L58801
Tuan Liang Teck Meng [Simpang Renggam] minta **PERDANA MENTERI** menyatakan Malaysia telah meraktifikasikan konvensyen Pertubuhan Bangsa-Bangsa Barsatu mengenai rasuah atau UNCAC pada tahun 2008 dan setiap negara yang meraktifikasi UNCAC perlu menjalani proses pemantauan untuk memastikan syarat-syarat dipatuhi sepenuhnya. Apakah hasil yang diperoleh daripada proses pemantauan tersebut dan sejauh manakah Malaysia telah memenuhi syarat-syarat yang ditetapkan oleh UNCAC.
53. PR-1313-L58567
Dato' Kamarudin bin Jaffar [Tumpat] minta **MENTERI LUAR NEGERI** menyatakan apakah usaha-usaha yang dilakukan untuk memastikan perdamaian di Filipina selatan benar-benar berlaku dan pembangunan ekonomi dan hak politik rakyat di situ terbela.
54. PR-1313-L57468
Tuan Shamsul Iskandar bin Mohd Akin [Bukit Katil] minta **MENTERI PELANCONGAN DAN KEBUDAYAAN** menyatakan berapa jumlah persatuan yang berkaitan dengan seni dan kebudayaan di Malaysia dan berapakah jumlah peruntukan yang telah diberikan sepanjang 5 tahun yang lepas kepada persatuan-persatuan tersebut.
55. PR-1313-L57181
Tuan Abdullah Sani bin Abdul Hamid [Kuala Langat] minta **MENTERI DALAM NEGERI** menyatakan tindakan pekerja asing (PATI) yang telah ditangkap dan berapakah jumlah mereka yang telah berjaya ditangkap dari 1 Januari 2012 sehingga 1 Oktober 2013.

ATURAN URUSAN MESYUARAT DAN USUL-USUL

1. **Menyambung Semula Pertimbangan Rang Undang-undang Perbekalan 2014 (D.R.21/2013) dan Usul Anggaran Perbelanjaan Pembangunan 2014 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (26 November, 2013)

- | | | | |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |
| 6. | (D.R. 18/2013) | Rang Undang-undang Pertaruhan Pool (Pindaan) 2013 | “ |
| | | [Menteri Kewangan] | |

7. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “

[Menteri di Jabatan Perdana Menteri]

8. (D.R. 10/2013) Rang Undang-undang Kanun Tatacara Jenayah (Pindaan) 2013 “

[Menteri di Jabatan Perdana Menteri]

9. (D.R. 12/2013) Rang Undang-undang Keterangan (Pindaan) 2013 “

[Menteri di Jabatan Perdana Menteri]

10. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “

[Menteri Pelancongan dan Kebudayaan]

11. (D.R. 20/2013) Rang Undang-Undang Dadah Berbahaya (Pindaan) 2013 “

[Menteri Kesihatan]

12. **Menteri Kewangan akan mencadangkan :**

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM28,905 juta wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

13. PR-1313-U58205
Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut.

Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

14. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan staus sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

15. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

16. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

17. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

18. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

19. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

20. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

21. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2013</u>	<u>RISALAT/DOKUMEN</u>	<u>TARIKH DIBENTANGKAN</u>
ST.84	Laporan Tahunan dan Penyata Kewangan Lembaga Perindustrian Nanas Malaysia Bagi Tahun 2012.	27 November 2013
ST.85	Laporan Tahunan dan Penyata Kewangan Lembaga Pemasaran Pertanian Persekutuan (FAMA) Bagi Tahun 2012	27 November 2013
ST.86	Laporan Tahunan dan Penyata Kewangan Lembaga Pertubuhan Peladang (LPP) Bagi Tahun 2012	27 November 2013
ST.95	Laporan Tahunan dan Penyata Kewangan Universiti Malaysia Terengganu Bagi Tahun 2012.	27 November 2013
ST.128	Laporan Tahunan dan Penyata Kewangan Dewan Bandaraya Kuala Lumpur (DBKL) Bagi Tahun 2012.	27 November 2013
ST.130	Laporan Tahunan dan Penyata Kewangan Perbadanan Produktiviti Malaysia Bagi Tahun 2012.	27 November 2013
ST.132	Laporan Tahunan dan Penyata Kewangan Akademi Seni Budaya dan Warisan Kebangsaan (ASWARA) Bagi Tahun 2012.	27 November 2013
ST.137	Laporan Tahunan dan Penyata Kewangan Agensi Inovasi Malaysia (AIM) Bagi Tahun 2012.	27 November 2013